

欽定全唐詩

第一函
第六冊

全唐詩目 第三函

顏真卿 一卷

王翰 一卷

賀蘭進明

蕭昕

李白 一卷至二十五卷

李華 一卷

孟雲卿 一卷

閻丘曉

李希仲

蕭穎士 一卷

張巡

庾光先

楊志堅 共一卷

崔曙 一卷

張抃

韋丹

孟浩然 二卷

全唐詩

顏真卿

顏真卿字清臣京兆長安人博學工辭章事親孝開元中舉進士又擢制科調醴泉尉累遷殿中侍御史忤宰相楊國忠出爲平原太守安祿山反河朔盡陷獨平原城守具備使司兵參軍李平馳奏明皇大喜即拜戶部侍郎肅宗即位靈武真卿數遣使以蠟丸裹書陳事拜工部尚書兼御史大夫爲河北招討採訪處置使至德二年朝于鳳翔授憲部尚書遷御史大夫軍國之事知無不言爲宰相所忌出爲馮翊太守改蒲州刺史御史唐旻誣劾貶饒州刺史旋拜浙西節度使召入爲刑部侍郎李輔國銜之貶蓬州長史代宗立起爲戶部侍郎除荆南節度使未行改尚書右丞尋除檢校刑部尚書兼御史大夫封魯國公與元載不合貶峽州別駕改吉州司馬遷撫湖二州刺史載誅擢刑部尚書進吏部盧杞當國益惡之改太子太師李希烈陷汝州杞奏遣真卿往諭拘脅累歲不屈而死贈司徒諡文忠真卿立朝正色剛而有禮非公言直道不萌於心天下不以姓名稱而獨曰魯公善正草書筆力道婉世寶傳之詩一卷

題杼山癸亭得暮字

亭陸鴻漸所創

杼山多幽絕勝事盈跬步前者雖登攀淹留恨晨暮及茲紆勝引曾是美無度歛構三癸亭實爲陸生故高賢能利物疏鑿皆有趣不越方丈間居然雲霄遇巍峩倚脩岫曠望臨古渡左右苔石攢低昂桂枝蠹山僧狎狻猊巢鳥來枳棋俯視何楷臺傍瞻戴顓路遲迴未能下夕照明村樹

謝陸處士杼山折青桂花見寄之什

羣子遊杼山山寒桂花白綠萼含素萼采折自逋客忽枉巖中詩芳香潤金石全高南越靈豈謝東堂策會恆名山期從君恣幽覲

贈裴將軍

大君制六合猛將清九垓戰馬若龍虎騰凌何壯哉將軍臨八荒烜赫耀英材劒舞若游電隨風縈且迴登高望天山白雲正崔嵬入陣破驕虜威名雄震雷一射百馬倒再射萬夫開匈奴不敢敵相呼歸去來功成報天子可以畫麟臺

贈僧皎然

秋意西山多別岑
紫左次繕亭歷三
癸趾趾鄰什寺元
化隱靈蹤始君啓
高致誅榛養翹楚
鞭草理芳穗俯砌
披水容逼天掃峰
翠境新耳目換物
遠風塵異倚石忘
世情援雲得真意
嘉林幸勿剪禪侶
欣可庇衛法大臣
過佐遊羣英萃龍
池護清激虎節到
深邃徒想嶠頂期
于今沒遺記

詠陶淵明

張良思報韓龔勝
恥事新狙擊不肯
就舍生悲縉紳鳴
呼陶淵明奕葉為
晉臣自以公相後
每懷宗國屯題詩
庚子歲自謂義皇
人手持山海經頭
戴漉酒巾興逐孤
雲外心隨還鳥泯

三言擬五雜組二首

五雜組繡與錦往復還興又寢不得已病伏枕

五雜組甘鹹醋往復還烏與兔不得已韶光度

使過瑤臺寺有懷圓寂上人

并序

真卿昔以天寶元年尉醴泉亟過瑤臺寺圓寂上入院秩滿遷監察御史巡覆諸陵而上人已去一作此寺
大曆十三年春二月以刑部尚書謁拜昭陵慨然有懷

上人居此寺不出三十年萬法元無著一作靈法一心唯趣禪忽紆塵外軫遠訪區中一作世間緣及爾不復見支提猶岌

一作然

登平望橋下作

登橋試長望望極與天平際海蒹葭色終朝鳬鴈聲近山猶一作全髣髴遠水忽微明更覽諸公作知高題柱名

刻清遠道士詩因而繼作

不到東西寺于今五十春
竭來從舊賞林壑宛相親
吳子多藏日秦王厭勝辰
劒池穿萬仞盤石坐千人
金氣騰爲虎琴臺化若神
登壇仰生一捨宅歎珣珉
中嶺分雙樹迴巒絕四鄰
窺臨江海接崇飾四時新
客有神仙者於茲雅麗陳
名高清遠峽文聚斗牛津
跡異心寧間聲同質豈均
悠然千載後知我揖光塵

李華

李華字遐叔贊皇人開元中第進士擢宏辭科累官監察御史右補闕以受安祿山僞署貶杭州司戶上元中召爲左補闕司封員外郎華稱疾不拜李峴領選江南表置幕府擢檢校吏部員外郎苦風痺去官客隱山陽勒子弟力農安於窮槁大曆初卒集三十卷今編詩一卷

雜詩六首

黃鍾叩元音律呂更循環邪氣恃正聲鄭衛生其間典樂忽涓微波浪與天渾嘈嘈鷗梟動好鳥徒懸蠻王吉歸鄉里甘心長閑關

玄黃與丹青五氣之正色聖人端其源上下皆有則齊侯好紫衣魏帝婦人飾女奴厭金翠傾海未滿臆何忍嚴子陵羊裘死荆棘

甘酸不私人元和運五行生人受其用味正心亦平爪牙相踐傷日與性命爭聖人不能絕鑽燧與炮烹嗜慾乘此熾百金資一傾正銷神耗衰邪勝體充盈顏子有餘樂瓢中寒水清

陰魄淪宇宙太陽假其明臣道不敢專由此見虧盈未聞東菑稼一氣嘉穀成上天降寒暑地利乃可生葛藟附柔木繁陰蔽曾原風霜摧枝幹不復庇本根女蘿依松柏然後得長存

孔光尊董賢胡廣慚李固儒風冠天下而乃敗王度絳侯與博陸忠朴受遺顧求名不考實文弊反成靈結交得書生書生鈍且直爭權復爭利終不得其力我逢縱橫者是我牙與翼相旋如疾風並命趨紫極奔車得停軌風火何相逼仁義豈有常肝膽反爲賊勿嫌書生直鈍直深可憶

詠史十一首

昂藏獬豸獸出自太平年亂代乃潛伏縱人爲禍愆嘗聞斷馬劍每壯朱雲賢身死名不滅寒風吹暮田精靈如有在幽憤滿松煙

漢皇修雅樂乘輿臨太學三老與五更天王親割牲一人調風俗萬國和且平單于驟款塞武庫欲銷兵文物此朝盛君臣何穆清至今墳壇下如有簫韶聲

巢許在嵩潁陶唐不得臣九州尚洗耳一命安能親縣邈數千祀丘中誰隱淪朝遊公卿府夕是山林人蒲帛揚側陋薛蘿爲縉紳九重念入夢三事思降神且設庭中燎寧窺泉下鱗

漢時征百粵楊僕將樓船募府功未立江湖已騷然島夷非敢亂政暴地仍偏得罪因懷璧防身輒控弦三軍求裂土萬里詎聞天魏關心猶在旗門首已懸如何得良吏一爲制方圓

秦滅漢帝興南山有遺老危冠揖萬乘幸得厭征討當君逐鹿時臣等已枯槁寧知市朝變但覺林泉好高臥

三十一作十年相看成一作首成皓帝言翁甚善見顧何不早咸稱太子仁重義亦尊道側聞驪姬事申生不自保暫出

商山雲謁來趨灑掃東宮成羽翼楚舞傷懷抱後代無其人庾園滿秋草

日照崑崙上一作山羽人披羽衣乘龍駕雲霧欲往心無違此山在西北乃是神仙國靈氣皆自然求之不可得何

爲漢武帝精思一作意徧羣山糜費巨萬計宮車終不還蒼蒼茂陵樹足以戒人間

天生忠與義本以佐雍熙何意李司隸而當昏亂時古墳襄城野斜徑橫秋陂況不禁樵采茅莎無子遺高標

尚可仰精爽今何之一忤中常侍銜冤誰見知嘗觀黨錮傳撫卷不勝悲

文侯耽鄭衛一聽一忘餐白雪燕姬舞朱弦趙女彈淫聲流不返惛蕩日無端獻歲受朝時鳴鐘譙百官兩牀

陳管磬九奏殊未闌對此唯恐臥更能整衣冠

蜀主相諸葛功高名亦尊驅馳千萬衆怒目瞰中原曹伯任公孫國亡身不存杜宮久蕪沒白鴈猶飛翻勿言

君臣合可以濟黎元爲蜀諒不易如曹難復論

六國韓最弱末年尤畏秦鄭生爲韓計且欲疲秦人利物可分社原情堪減身咸陽古城下萬頃稻苗新

沂水春可涉泮宮映楊葉麗色異人間珊珊搖珮環展禽恆一作常獨處深巷生禾黍城上飛海雲城中暗春雨適

來鳴珮者復是誰家女泥沾珠綴履雨濕翠毛簪電影開蓮臉雷聲飛蕙心自言沂水曲采萍兼采菰歸遲雖

可尋天陰光景促憐君貞且獨願許君家宿徒勞惜衾枕了不顧雙蛾豔質誠可重淫風如禮何周王惑褒姒

城闕成陂陀

雲母泉詩 并序

洞庭湖西玄石山俗謂之墨山山南有佛寺寺倚松嶺下有雲母泉泉出石引流分渠周遍庭宇發如乳
渾末派如淳漿烹茶浙蒸灌園漱齒皆用之大浸不盈太旱不耗自墨山西北至石門東南至東陵廣輪
二十里盡生雲母牆階道路炯炯如列星井泉溪澗色皆純白鄉人多壽考無癰疽疥搔之疾華深樂之

穎川陳公天寶中與華同爲諫官公性與道合忽於權利方挂冠投簪顧華以名山之契乾元初公貶清江丞移武陵丞華貶杭州司功恩復左補闕上元中俱奉詔徵公自清江至武陵道路多虞制書不至華沂江而西次於岳陽江山延望日夕相顧屬思與高賢共飲雲母之泉躬耕墨山之下敢違朝命以徇私欲秋風露寒洞庭微波一聞猿聲不覺涕下况支離多病年甫始衰願餌藥扶壽以究無生之學事乖志負火蕪子心寄懷此篇亦以書余之志也

晨登玄石嶺嶺上寒松聲朗日風雨霽高秋天地清山門開古寺石竇含純精洞徹淨金界賁緣流玉英澤藥滋畦茂氣染茶甌馨飲液盡肴壽食和皆體平瓊漿駐容駭甘露瑩心靈岱谷謝巧妙匡山徒有名願言構蓬華荷鍤引冷泠訪道出人世招賢依福庭此心不能已寤寐見吾兄曾結穎陽契窮年無所成東西同放逐她豕尚縱橫江漢阻攜手天涯萬里情恩光起憔悴西上謁承明秋色變江樹相思紛以盈猿啼巴丘戌月上武陵城共恨川路永無由會友生雲泉不可忘何日遂躬耕

寄趙七侍御并序

自餘干溪行經弋陽至上饒山川幽麗思與雲卿同遊邈不可得因敘疇年之素寄懷於篇云

搖槳曙江流江清山復重心愜賞未足川迴失前峰凌灘出極浦曠若天池一作地通君陽青嵯峨開拆混元中九

潭魚龍窟仙成羽人宮陰真潛鬼物精光動煙空玄猿啼深龍楚越謂竹樹深者爲龍龍一作絕白鳥戲葱蒙飛湍鳴金石激湍鼓

雷風雨濯萬木鮮霞照千山濃草闊長餘綠花靜落幽紅渚煙見晨釣山月聞夜春覆溪窈窕波涵一作石涵石洶一作洶

溶溶丹丘忽聚散素舛相奔衝白日破昏靄靈山出其東勢排昊蒼上氣壓吳越雄迴頭望雲卿此恨發吾衷

昔日蕭邵遊蕭穎士邵軫四人纔成童屬詞慕孔門入仕希上公緯卿陷非罪折我昆吾鋒御字鋒卿以寬茂挺獨先覺拔

身渡京虹斯人謝明代百代墜鵠鴻蕭穎士知龍葉官往江東頃非先人逝于江南世故墜橫流與君哀路窮逆胡陷兩京于與趙受辱賊中相顧無死節蒙恩

逐殊封華貶杭州司功趙貶泉州晉江尉天波洗其瑕朱衣備朝容華承恩累遷尚書郎趙拜補闕御史一別凡十年豈期復相從餘生得攜手遺此兩孱

翁羣遷失鶯羽後凋惜長松衰旅難重別悽悽滿心胸遇勝悲獨遊貪奇悵孤逢禽尚彼何人胡爲束樊籠吾師度門教投弁躡遐蹤

仙遊寺

有龍潭穴弄玉祠

捨事入樵逕雲木深谷口萬壑移晦明千峰轉前後巖然龍潭上石勢若奔走開折秋天光崩騰夏一作雷吼靈谿自茲去紆直互紛糾聽聲靜復喧望色無更有冥冥翠微下高殿映杉柳滴洞穴中懸泉響相扣昔時秦王女羽化年代久日暮松風來簫聲生左右早窺神仙籙願結芝朮友安得羨門方青囊繫吾肘

春遊吟

初春遍芳甸千里藹盈囑美人摘新英步步翫春綠所思杳何處宛在吳江曲可憐不得共芳菲日暮歸來淚滿衣

長門怨

弱體鴛鴦薦啼妝翡翠衾鴉鳴秋殿曉人靜禁門深每憶椒房寵那堪永巷陰自驚羅帶緩非復舊來心
奉使朔方贈郭都護

絕塞臨光祿孤營佐貳師鐵衣山

一作三

月冷金鼓朔風悲都護徵兵日將軍破虜時揚鞭玉關道回首望旌旗

尚書都堂瓦松

華省祕仙蹤高堂露瓦松葉因春後長花爲雨來濃影混鴛鴦色光含翡翠容天然斯所寄地勢太無從接棟臨雙闕連甍近九重寧知深澗底霜雪歲兼封

海上生明月

科試

皎皎秋中月團團海上生影開金鏡滿輪抱玉壺清漸出三山岳將凌一漢橫素娥嘗樂去烏鵲遶枝驚照水光偏白浮雲色最明此時堯砌下萸萸自將榮

晚日湖上寄所思

與君爲近別不啻遠相思落日平湖上看山對此時

寄從弟

眼病身亦病浮生已半空迢迢千里月應與惠連同

奉寄彭城公

公子三千客人人願報恩應憐抱關者貧病老夷門

春行寄興

宜陽城下草萋萋，澗水東流復向西。
芳樹無人花自落，春山一路鳥空啼。

蕭穎士

蕭穎士字茂挺，開元中對策第一，補祕書正字，奉使括遺書，趙衛間淹久不報，爲有司劾免。留客濮陽，教授時號蕭夫子，召爲集賢校理，宰相李林甫怒其不下，已調廣陵參軍事，史官韋述薦穎士，自代召詣史館待制。林甫愈見疾，遂免官，尋調河南府參軍事。山南節度使源洧辟掌書記，洧卒，崔圓署爲揚州功曹參軍，至官信宿去，後客死汝南，逆旅門人私謚曰文元先生。穎士樂聞人善，以推引後進爲己任，所獎目皆爲名士。集十卷，今編詩一卷。

江有楓一篇十章

并序

江有楓思陸鄭二友，吳會舊遊，且疾，讒也。臣一作君宦於尹府，以直方不偶，見逼讒佞，惟古之賢者有避色避言之義，矯然去之。二室之間有械樹焉，與江南楓形胥類，憩於其下而作是詩，以貽夫二三子焉。

江有楓，其葉蒙蒙，我友自東，予以遊從。

山有械，其葉漠漠，我友徂北，予以休息。

想彼械矣，亦類其楓，矧伊懷人而忘其東。

東可遊矣，會之丘矣，于山于水，于廟于寺，于亭于里，君子遊焉，予以宴喜，其樂疊疊。

粵東可居，彼吳之墟，有田有庭，有朋有書，有蓴有魚，君子居焉，惟以宴醕，其樂徐徐。

我朋在矣，彼陸之子也，如松如杞，淑問不已。

我友于征，彼鄭之子也，如琇如英，德音孔明。

我思震澤，菱芡幕幕，寤寐如覲，我思剡谿，杉篠萋萋，寤寐無迷。

有鳥有鳥，粵鷗與鷺，浮游戲渚，皓然潔素，忘其猜如，彼何人斯，曾足傷懼。

此懼惟何，懼寘于羅，彼驕者子，讒言孔多，我聞先師，體命委和，公伯之愬，則如子何，悵然山河，惟以嘯歌，其憂也哉。

菊榮酬贈離且申志也久寓大邑賢宰宋侯惠而好予賦鳴蟬以貶別有懷相規備厥卒章予以報焉
采采者菊芬其榮斯紫英黃萼照灼丹墀愷悌君子佩服攸宜王國是維大君是毗貽爾子孫百祿萃之
采采者菊于邑之城舊根新莖布葉華英彼美淑人應家之禎有弦既鳴我政則平宜爾棟崇必復其慶
采采者菊于邦之府陰槐翳柳邇楹近宇彼勞者子喧卑是處慨其莫知蘊結誰語企彼高人色斯遐舉
采采者菊于賓之館既低其枝又弱其幹有斐君子是焉披翫良辰旨酒宴飲無算愴其化別終然永歎
歲方晏矣霜露殘促誰其榮斯有英者菊豈微春華懿此貞色人之侮我混于薪棘詩人有言好是正直

涼雨一章

并序

涼雨志楊侯樂賓僚也

習習涼風冷冷浮颺君子樂胥于其實僚有女斯天式歌且謠欲言終有惟以招邀于胥樂令

有竹一篇七章

并序

有竹懿李新後閣而宴親友也

有竹斯竿于閣之前君子秉心惟其貞堅兮

有竿斯竹于閣之側君子秉操惟其正直兮

彼蔚者竹蕭其森矣有閑者閣究其深矣迴簷幽砌如翼如齒

冬之宵霰雪斯濡我有金鑪煴其以詠

夏之日炎景斯鬱我有珍簟淒其以栗

彼紛者務體其豫矣有旨者酒歡其且矣友僚萃止跗萼載韡

彼美公之姓兮那歟應積慶兮期子惟去之柄兮

江有歸舟三章

并序

記有之尊道成德嚴師其難哉故在三之禮極乎君親而師也叅焉無犯與隱義斯貫矣孔聖稱顏子有
視余猶父歎其至歟今吾於太真也然乎爾且後進而余師者自賈豈盧冀之後比歲舉進士登科名與
實皆相望騰遷凡數子其佗自京畿太學踰於淮泗行束脩以上而未及門者亦云倍之余弗敏曷云當
乎而莫之讓蓋有來學微往教蒙匪余求若之何其拒哉猗爾之所以求我之所以誨學乎文乎學也者
非云徵辨說撫文字以扇夫談端輟厭詞意其於識也必鄙而近矣所務乎憲章典法膏腴德義而已文

也者非云尚形似牽比類以局夫儷偶放於奇靡其於言也必淺而乖矣所務乎激揚雅訓彰宣事實而已衆之言文學者或不然於戲彼以我爲僻爾以我爲正同聲相求爾後我先安得而不問哉問而教教而從從而達欲辭師也得乎孔門四科吾是以竊其一矣然夫德行政事非學不言言而無文行之不遠豈相異哉四者一夫正而已矣故曰詩三百一言以蔽之曰思無邪不正之謂也吾嘗謂門弟子有尹徵之學劉太真之文首其選焉今茲春連茹甲乙淑問休闡爲時之冠浹旬有詔俾徵典校祕書且馳傳寵首領元戎書記之事四牡駢駢薄言旋歸聲動日下決於寰外而太真元昆前已甲科未始間歲翩其連舉謂予不信豈其然乎夏五月迴棹京洛告歸江表屹兮屹兮歡旣萃矣兄弟榮斯繼矣搢紳之徒習禮聞詩者僉曰劉氏二子可謂立乎身光乎親蹈極致於人倫者矣上京餞別庭闈望歸從古已來未之聞也余羈宦此都色斯云舉彼吳之丘曾是昔遊心乎往矣有懷伊阻行矣風帆載飛載揚爾思不及黯然以泣先師孝弟謹信泛愛親仁餘力學文之訓爾其志之南條北固朱方舊里昔與太真初會於茲余之門人有柳并者前是一歲亦嘗觀茲地其請業也必始乎此焉并也有尹之敏劉之工其少且疾故莫之逮太真亦嘗曰何敢望并并與真難乎其相奪矣緬彼江陰京阜是臨言念二子從予于此爾云過之其可忘諸同是餞者賦江有歸舟以寵夫嘉慶焉爾詩曰

江有歸舟亦亂其流之子言旋嘉名孔修揚于王庭允焯其休

舟旣歸止人亦榮止兄矣弟矣孝斯踐矣稱觴燕喜于屹于屹
彼遊惟帆匪風不揚有彬伊父匪學不彰予其懷而勉爾無忘

過河濱和文學張志尹

隆古日以遠舉世喪其淳慷慨懷黃虞化理何由臻步出城西門裴回見河濱當其側陋時河水清且潏滄桑一以變莽然翳荆榛至化無苦寐宇宙將陶甄太息感悲泉人往跡未湮瑟瑟寒原暮冷風吹衣巾顧我謫劣質希聖杳無因且盡登臨意斗酒歡相親

舟中遇陸棟兄西歸數日得廣陵二三子書知遲晚次沙塾西岬作

林鳥遙岬鳴早知東方曙波上風雨歇舟人叫將去蒼蒼前洲日的的回沙鷺水氣清曉陰灘聲隱川霧舊山

勞魂想憶人阻洄沂信宿千里餘佳期曷由遇前程入楚鄉弭棹問維揚但見土音異始知程路長寥寥晚空
靜漫漫風淮涼雲景信可美風潮殊未央故人江臯上永日念容光中路枉尺書謂余瓊樹芳深期結晤語竟
夕恨相望冀願崇朝霽吾其一葦航

重陽日陪元魯山德秀登北城矚對新霽因以贈別

時元兄屢有
挂冠之意

山縣遶古堞悠悠快登望雨餘秋天高目盡無隱狀綿連澧川迴杳渺鴉路深彭澤興不淺臨風一作流動歸心賴
茲琴堂暇傲睨傾菊酒人和歲已登從政復何有遠山十里碧一道銜長雲青霞半落日混合疑晴曛漸聞鶯
栖一作栖林羽坐歎清夜月中歡愴有違行子念明發僅能泯寵辱未免傷別離江湖不可忘風雨勞相思明時當盛
才短伎安所設何日謝百里從君漢之蒞

畱別二三子得韻字

二紀尚雌伏徒然忝先進英英爾眾賢名實鬱雙振殘春惜將別清洛行不近相與愛後時無令孤逸韻

仰荅韋司業垂訪五首

呦呦食苹鹿常飲清泠川但悅豐草美寧知牢饌鮮主人有幽意將以充林泉羅網幸免傷蒙君復羈牽高堂
列眾賓廣座鳴清絃俯仰轉驚一作傷惕衰回獨憂煎緬懷雲巖路欲往無由緣物各有所好違之傷自然

神龜在南國緬邈湘川陰遊止蓮葉上歲時嘉樹林毒蟲且不近斤斧何由尋錯落負奇文熒煌耀丹金江山
萬里餘淮海阻且深獨保貞素質不爲寒暑侵一逢盛明代應見通靈心

晉代有儒臣當年富詞藻立言寄青史將以贊王道遼落緬歲時辛勤歷江島且言風波倦探涉豈爲實不遇
庾征西云誰展懷抱士貧乏知己安得成所好

彭陽昔遊說願謁南郢都王果尚未達況從夷節謨豈知晉叔向無罪嬰囚拘臨難俟解紛獨知祈大夫舉譬
且不棄何必論親疎夫子覺者也其能一作肯遺我乎

關西一公子年貌獨青春被褐來上京翳然聲未振中郎何爲者倒屣驚座賓詞賦豈不佳盛名亦相因爲君
奏此曲此曲多苦辛千載不可誣孰言今無人

答鄒象先

桂枝常共擢茅茨冀同薦一命何阻脩載馳各川縣壯圖悲歲月明代恥貧賤回首無津梁祇令二毛變

蒙山作

東蒙鎮海沂合沓餘百里清秋淨氛靄崖崿隱天起于役勞往還息徒暫攀躋將窮絕迹處偶得冥心理雲氣
雜虹霓松聲亂風水微明綠林際杳窅丹洞裏仙鳥時可聞羽人邈難視此焉多深邃賢達昔所止子尚捐俗
紛季隨躡遐軌蘊真道彌曠懷古情未已白鹿凡幾遊黃精復奚似顧予尚牽縈家業重書史少學務從師壯
年貴趨仕方馳桂林譽未暇桃源美歲暮期再尋幽哉羨門子

早春過七嶺寄題硤石裴丞廳壁

出硤寄趣少晚行偏憶君依然向來處官路谿邊雲茲路豈不劇能無俗累紛槐陰永未合泉聲細猶聞彌歎
春罷酒章卑一本二字缺從此分登高望城入斜影半風薰

送張翬下第歸江東

一作章

俱飛仍失路綵服邇清波地積東南美朝遺甲乙科客愁千里別春色五湖多明日舊山去其如相望何

越江秋曙

扁舟東路遠曉月下江濱激灩信潮上蒼茫孤嶼分林聲寒動葉水氣曙連雲暎日浪中出榜歌天際聞伯鸞
常去國安道惜離羣延首剡谿近詠言懷數君

山莊月夜作

獻書嗟棄置疲拙歸田園且事計然策將符公冶言桑榆清一作茂暮景雖大應遙村蠶罷里閭晏麥秋田野喧澗
聲連枕簟峯勢入堦軒未奏東山妓先傾北海尊隴瓜香早熟庭果落初繁更愜野人意農談朝竟昏

崔曙

崔曙宋州人開元二十六年登進士第以試明堂火珠詩得名詩一卷

古意

綠筍總成竹紅花亦成子能當此時好獨自幽閨裏夜夜苦更長愁來不一作劇如死

宿大通和尚塔敬一本無敬字贈如上人兼呈常孫二山人

支公已寂滅影塔山上古更有真僧來道場救諸苦一承微妙法寓宿清淨土身心能自觀色相了無取森森松映月漠漠雲近戶嶺一作雲外飛電明夜來前山雨然燈見栖鴿作禮聞信鼓曉霽南軒開秋華淨天宇願言出世塵一作長出世謝爾申及甫

送薛據之宋州

無媒嗟一作悲失路有道亦乘流客處不堪別異鄉應共愁我生早孤賤淪落居此州風土至今憶山河皆昔一作舊遊一從文章事一作士兩京春復秋君去問相識幾人今一作成白頭

山下晚晴

寥寥遠天淨谿路何空濛斜光照疎雨秋氣生白虹雲盡山色暝蕭條西北風故林歸宿處一葉下梧桐

潁陽東溪懷古

靈溪氛霧歇皎鏡清心顏空色不一作下映水秋聲多在山世人久疎曠萬物皆自閑白鷺寒更浴孤雲晴未還昔時讓王者此地閉玄一作紫關無以躡高步淒涼岑一作林壑間

早發交崖山還太室作

東林氣微白寒鳥急一作忽高翔吾亦自茲去北山歸草堂仲一作妙冬正三五日月遙相望蕭蕭一作蕭蕭過潁上矐矐辨少陽川冰生積雪野火出枯桑獨往路難盡窮陰人易傷傷此無衣客如何蒙雪一作霜

奉試明堂火珠

正位開重屋凌空一作中天出火珠夜來雙月滿一作合曙後一星孤天淨光難滅雲生望欲無遙知太平代一作聖明代國寶在名都

途中曉發一作晚發

曉一作晚霽長風裏勞歌赴遠期雲輕歸海疾月滿下山一作峰遲旅望因高盡鄉心遇物悲故林遙不見況在一作復落花時

緱山廟

遺廟宿陰陰孤峰映綠林步隨仙路遠意入道門深澗水流年月山雲變古今祇聞風竹裏猶有鳳笙音

同諸公謁啓母祠

闕宮凌紫微芳草閉閑扉帝子復何在王孫遊不歸春風鳴玉珮暮雨拂靈衣豈但湘江口能令懷二妃

九日登望仙臺呈劉明府容

漢文皇帝有高臺此日登臨曙色開三晉雲山皆北向二陵風雨自東來一作西關門令尹誰能識河上仙翁去不回且欲近尋彭澤宰陶然共一作醉菊花杯

奉酬中書相公至日圓丘攝事合於中書後閣宿齋移止于集賢院敘懷見寄之作

典籍開書府恩榮避鼎司郊丘資有事齋戒守無爲宿霧蒙瓊樹餘香覆玉墀進經逢乙夜展禮值明時數共山河列名同竹帛垂年年佐堯舜相與致雍熙

登水門樓見亡友張貞期題望黃河詩因以感興一作寄友

吾友東南美昔聞登此樓人隨一作從川上逝一作去書向一作在壁中留嚴子好真隱謝公耽遠遊清風初作頌暇日復銷憂一作愁時一作思與文字一作章古跡將一作隨山水幽已孤一作辜蒼生望空一作生見黃河流流落年一作榮將晚悲涼物已一作似秋天高

不可問掩泣赴行舟

對雨送鄭陵

別愁復經雨別淚還如霰寄心海上雲千里常相見

嵩山尋馮鍊師不遇

青溪訪道凌煙曙王子仙成已飛去更值空山雷雨時雲林薄暮歸何處

王翰

王翰字子羽晉陽人登進士第舉直言極諫調昌樂尉復舉超拔羣類召爲秘書正字擢通事舍人駕部員外出爲汝州長史改仙州別駕日與才士豪俠飲樂遊畋坐貶道州司馬卒集十卷今存詩一卷

贈唐祖二子

鴻飛遵枉渚鹿鳴思故羣物情尚勞愛况乃予別君別時花始發別後蘭再薰
瑶觴滋白露寶瑟凝涼氛裴徊北林月悵望南山雲雲月渺千里音徽不可聞

飛燕篇

孝成皇帝本嬌奢行幸平陽公主家可憐女兒三五許葦葦惜是一園花歌舞向來人不貴一作歌舞來時由不歸一旦逢君感君意君心見賞不見忘姊妹雙飛入紫房紫房綵女不得見專榮固寵昭陽殿紅妝寶鏡珊瑚臺青瑣銀簧雲母扇日夕風傳歌舞聲祇擾長信憂人情長信憂人氣欲絕君王歌吹終不歇朝弄瓊簫下綵雲夜踏金梯上明月明月薄蝕陽精昏嬌妬傾城惑至尊已見白虹橫紫極復聞飛燕啄皇孫皇孫不死燕啄折女弟一朝如火絕明明天子咸戒之赫赫宗周褒姒滅古來賢聖歎狐裘一國荒淫萬國羞安得上方斷馬劍斬取朱門公子頭

飲馬長城窟行

一作古長城吟

長安少年無遠圖一生惟羨執金吾麒麟前殿拜天子走馬西擊長城胡一作走馬為君西擊胡胡沙獵獵吹人面漢虜相逢不相見遙聞鼙鼓動地來傳道單于夜猶戰此時顧恩寧顧身為君一行摧萬人壯士揮戈迴白日單于濺血染朱輪歸來飲馬長城窟長城道傍多白骨問之耆老何代人云是秦王築城卒黃昏塞北無人煙鬼哭啾啾聲沸天無罪見誅功不賞孤魂流落此城邊當昔秦王按劍起諸侯膝行不敢視富國強兵二十年築怨興徭一作驚九千里秦王築城何太愚天實亡秦非北胡一朝禍起蕭牆內渭水咸陽不復都

賦得明星玉女壇送廉察尉華陰

洪河之南曰秦鎮發地削成五千仞三峰離地皆倚天唯獨中峰特修峻上有明星玉女祠祠壇高眇路逶迤三十六梯入河漢樵人往往見蛾眉蛾眉嬋娟又宜笑一見樵人下靈廟仙車欲駕五雲飛香扇斜開九華照含情遲佇惜韶年願侍君邊復中旋江妃玉佩留為念羸女銀簫空自憐仙俗途殊兩情遽感君無盡辭君去遙見明星是妾家風飄雪散不知處故人家在西長安賣藥往來投此山綵雲蕩漾不可見綠蘿蒙茸鳥綿蠻欲求玉女長生法日夜燒香應自還

春女行

一作歌

紫臺穹跨連綠波紅軒鈴匝垂纖羅中有一人金作面隔幌玲瓏遙可見忽聞黃鳥鳴且悲鏡邊含笑著春衣
羅袖嬋娟似無力行拾落花比容色落花一度無再春人生作樂須及辰君不見楚王臺上紅顏子今日皆成
狐兔塵

古蛾眉怨

君不見宜春苑中九華殿飛閣連連直如髮白日全含朱鳥窓流雲半入蒼龍闕宮中綵女夜無事學鳳吹簫
弄清越珠簾北卷待涼風繡戶南開向明月忽聞天子憶蛾眉寶鳳銜花撲兩螭傳聲走馬開金屋夾路鳴環
上玉墀長樂形庭宴華寢三千美人曳花光錦燈前含笑更羅衣帳裏承恩薦瑤枕不意君心半路迴求仙別
作望仙臺琳瑯一作禁闥遙相憶紫翠巖房畫不開欲向人間種桃實先從海底覓蓬萊蓬萊可求不可上孤舟
縹緲知何往黃金作盤銅作莖一作青一作天白露掌中擎王母嫣然感君意雲車羽旆欲相迎飛廉觀前空怨慕少
君何事一作須相誤一朝埋沒茂陵田賤妾蛾眉不重顧宮車晚出向南山仙衛逶迤去不還朝脯泣對麒麟樹
樹下蒼苔日漸斑人生百年夜將半對酒長歌莫長數情一作知白日不可私一作期一死一生何足算

子夜春歌

春氣滿林香春遊不可忘落花吹欲盡垂柳折還長桑女淮南曲金鞍塞北裝行行小垂手日暮渭川陽

奉和聖製同二相已下羣官樂遊園宴

朱極人心暢如何帝道明仍嫌酺宴促復寵樂遊行陸海披珍藏天河直一作斗城四關青靄合數處白雲生飪
餽一作調元氣歌鐘溢雅聲空慚堯舜日一作至德一作泰一作難名

奉和聖製送張說上集賢學士賜宴得筵字

東堂起集賢貴得從一作後神仙首命台階老將崇御府員送人銑玉佩中使拂瓊筵和樂薰風解湛恩時雨連長
材成磊落短翮強翻翾一作徒仰蓬萊地一作峻何階不讓綠

奉和聖製送張尚書巡邊

紫綬一作尚書印朱轡丞相車登朝身許國出閭將辭家不憚炎蒸苦親嘗走集一作賒選徒軍有政一作誓卒爾無
譁帝樂風初起王城日半斜罷行流聖作寅餞照台華騎歷河南樹旌搖塞北沙榮懷應盡服嚴殺已先加業